

庶物類纂


水屬九

太政官文庫			
和書門	特別	三三三六二	第一
類	號	函	架
四	六	五	册



內閣文庫	
番號	和 32362
冊數	465(94)
函號	特 54 1

八十向

共廿二







庶物類纂水屬卷之九目次

雨諸物

雨墨

雨血

雨毛

雨草

雨木果黑子

雨諸穀


雨水

庶物類纂 卷之九


水屬目次

雨火

雨塵土




雨墨




水屬

雨墨




雨墨

天雨墨着人衣俱黑
潮州府志



雨血



水屬

雨血

一

雨血

戰國策曰齊湣王三十一年侵伐鄰國窮兵極武外
 怨於諸侯內失於百姓燕將樂毅連五國兵以伐之
 湣王出走楚淖齒救齊淖齒會王田于博昌間地方
 數百里雨血沾衣羸博之地圻及至泉有人當闕而
 哭求之不得去則又聞其聲齒曰王悉知之乎王曰
 不知淖齒曰天地人皆以告矣而王不知何得無誅
 遂殺湣王以無闕而敗

漢書曰惠帝時宜陽雨血一頃時諸呂用事殺三皇

子建立非嗣退大臣王陵趙昌周昌右後大臣共誅
滅諸呂僵尸流血之應

又曰哀帝時山陽雨血廣三尺長五尺大者如錢小
者如麻後二年王莽擅朝誅貴戚丁謂董賢用事

晉書曰惠帝永康元年三月尉氏雨血明年正月趙
王倫篡位遷帝於金墉城其後天下大兵禍流王室
崔鴻十六國春秋曰前趙劉聰建元元年十二月雨
血於左司隸寺覆地其月又雨血東宮延明殿徹瓦
在地者深五寸二年四月雨血於東宮其年十二月

又雨血於東宮廣柔項餘鄰嘉元年二月雨血東宮
其月又雨血於光祿殿來年雨血平陽廣袤千里其
月聰死劉燦為靳所殺又曰後趙石遵時雨血周遍
鄴城俄為右鑿冉閔所瘞遂滅右氏誅故人
又曰南燕慕容超將敗東萊雨血俄而國亡
又曰後蜀李勢末年天雨血俄降於桓溫也
隋書曰文帝時突厥雍閭可汗竟內雨血三日俄而
為隋師所滅

唐書曰高祖武德初突厥處羅可汗欲侵中夏會天

雨三日乃止而處羅疽發而死太平御覽

機謹按雨下疑脫血字

突厥處羅復會天雨血三日國中犬夜郡號求之不

得遂有疾宋孔侯白

晉傳云侍人祿切臣戮天雨血故紂世雨血永康元

年三月雨于尉氏有聲如牛唐武德初突厥雨之

日此與三苗亂時同宋志大康七年河陰雨赤雪晉

雜事云二頃血之類又貞元二十一年京師雨之又

後齊河清二年十二月霜晝下雨血于太原易曰歸

獄不解茲謂追非厥咎天雨血茲謂不親不出三年

無其宗人故帝王不可以興獄宋羅泌路史

雨血君殺雨膏忠輔多貪內記云天雨膏師敗雨肉

將易君占鏡。董斯張唐博物志

萬曆三十七年花容縣東門外六月四日薄晚天雨

血周圍文昌宮不數十丈大如麻子噴人衣裾皆紅

點又于斗門隄隨處間有之華容縣志

元康元年三月尉氏雨血江南通志

萬曆庚寅八月香山縣雨血狀如彈丸遍野皆然腥

穢不可聞廣東通志

續志嘉靖癸未秋新寧石門雨血癸丑春新會城西

烈日雨血血不成點其形如縷江南通志

元元統二年春正月庚寅雨血濕衣皆赤色祥符縣志

嘉靖六年雨血秋山水漂溢溺死者甚衆孝豐縣志

漢建平四季四月山陽湖陵雨血廣三尺長五尺大者如錢少者如麻

子後二年王莽擅朝貴戚大臣多誅○魚臺縣志

機謹按全鄉縣志無湖陵二字

雨毛

雨毛

隋文帝開皇六年七月京師雨毛如髮尾長者三尺
餘短者六七寸京房易飛候曰天雨毛其國大飢時
關中旱米粟踊貴

宋馬端臨
文獻通考

京房曰邪進賢退前樂後憂金失其性則雨毛也

漢書曰武帝時天雨白毛明年又雨之時征伐繁興
戶口凋散

晉書曰武帝時蜀雨白毛益州刺史皇甫宴為牙門
張弘謀害

晉書曰文帝開皇六年京師雨毛如馬尾長者二尺餘六七寸其月梁任彥字文忻劉昉以謀反誅明年發十萬人築長城又於塲州開山造瀆以通運衆役

繁興雨毛應御覽

前樂後憂厥妖雨羽又曰邗人進賢人逃天雨毛京房

易傳○董斯張唐博物志

神宗熙寧元年三月荊州天雨白鼈長者尺餘涿漫


山谷荊州府志

順治丁未冬雨白毛于善化界寧鄉縣志


順治壬子月道林一帶雨毛同上

熙寧元年咸寧雨白鼈狀如馬尾長者尺餘武昌府志

廣生堂



雨草



庶勿須集

卷九

水屬

雨草

一

雨草

京房曰君老祿信哀厥妖雨草火失其性則草妖
漢書曰元帝時雨草而葉相膠結大如彈丸時帝外
氏權盛

京房曰國破亡若雨籛人主殃

又曰平帝時雨草狀如元帝時王氏專政至於莽乃
篡位政在私門之家

宋書曰明帝大始四年雨草于宮明年魏侵青州殺

太守太平御覽

漢書五行志元帝永光二年八月天雨草而葉相膠

結大如彈丸明陳禹謨駢志


又平帝元始三年正月天雨草同上

按京房易傳曰君吝于祿信襄賢去厥妖天雨草同上

雨木果黑子

水屬

雨木果黑子



雨木果黑子

魏世河內冬雨棗

梁任昉述異記

順治二年德興雨木子形如茶實撫州府志

貞元四年雨木於陳留大如指長寸許每木有孔通

中所下其立如植徧十餘里唐段成式酉陽雜俎

貞元四年二月雨木於陳留十里許大如指長寸餘

中空所下者立如植木生于下而上墮者上下易

位之象碎而中空者小人之象如植者自立之象唐

史五行志宋孔侯白

孔六帖

元豐三年六月己未饒州長山雨木子數畝狀類山
芋子味香而辛土人以為桂子又曰菩提子明道中
嘗有之是歲大稔

宋馬端臨
文獻通考

至正壬辰春自杭州避難居湖州三月廿三日黑氣
亘天雷電以雨有物若果核與雨雜下五色間錯光
瑩堅固破其實食之似松子仁人皆曰娑婆樹子閏
月十二日復雨八月過杭州因知三月十八日亦雨
如湖州郡人初不以為異及九月十日紅巾犯省治
雨核之地悉被兵火無有處屋宇如故余弗之信九

月廿六日湖州陷儀鳳橋四向焚戮特甚追思雨核
時橋四向為最多信前言不誣也後聞池州亦然與
杭日同池州之橋尤可慘也按白樂天詩集載月中
嘗墜桂子於天竺寺葉石林玉澗雜書亦云仁宗天
聖中七月八月兩月之望有桂子從空降如雨其大
如豆雜黃白黑三色食之味辛寺僧道式取以種得
二十五本二書豈足妄耶此理殊不可曉但今又為
時識尤可異也

元陶九成
輟耕錄

至順十二年郡中黑氣亘天雷電大雨有物如果核

與雨俱下府城儀鳳橋四旁特多已而紅巾賊陷城

儀鳳橋殺戮特甚歸安縣志

正德己巳秋九月夜忽大風雨次早視之所落者狀

如皂角子較大有糞草處獨多人云天上桂子又云

婆羅樹子取種之葉似橄欖長六七寸即壞隆慶三

年己巳四月初一日夜忽大風拔樹抵明而止復如

正德年間所落皆云是婆羅子永州府志

嘉靖丙申八月晝陰晦雨如棕櫚子皮色紅鮮尾浙

浙有聲如霰婺源縣志

正德四年九月初陽夜雨桂子狀如皂角子較大有

糞草處獨多又云娑羅樹子取種之葉似橄欖長六

七寸即壞湖廣總志

正德七年九月初陽雨黑子狀類皂角子堅如石種

之株葉如皂角長即死同上

宋熙寧三年六月己未長山都雨木子數畝類山芋

味辛香是歲大稔浮梁縣志

順治十八年夏四月下黑子約十餘日焚之有硫磺

氣五月雨黑子如稗實大水至政和門城崩數十丈

西門城崩十餘丈衝通都橋人行屋上用門扉編後以渡四山崩潰皆血色城崩派民修築民窮莫辨忽於行都司故址得大磚數十坎城賴以修甌寧縣志

正德八年九月夜雨黑子狀如皂角堅如石種之葉如皂角長即死零陵縣志

萬曆五年丁丑秋閏八月天雨小黑實視之乃薊薪實也近數邑皆然古云天雨草木實人多死其年人患瘴疫死者多不可勝紀永新縣志

正德四年大饑是年雨黑子後姚源寇起居民羅患

蓋其驗也西安縣志

正德四年正月雪二十有三日三月雨黑子常山縣志

萬曆五年四月大水河溢成浸水至儀門天雨黑子

狀類蕎麥各鄉皆有之弋陽縣志

崇禎五年十月二十五日天降黑麥同上

正德三年戊辰境內天雨黑子如豆四年己巳大饑臨川東鄉寇亂五年庚午秋地震冬天雨黑子如黍

金谿縣志

順治十八年四月下黑子約十餘日焚之有硫黃氣

郡城內外數十里皆有手前後入家櫃欄天井見之
六月初一大寒有霜草葉盡白初四見雪初六日晨
日見天中建寧府志

雨穀

雨諸穀

天雨穀論者謂之從天而下變而生如以雲雨論之
 雨穀之變不足怪也何以驗之夫雲雨出於丘山降
 散則為雨兵人見其從上而墜則謂之天雨水也夏
 日則雨水冬日天寒則雨凝為雪皆由雲氣發於丘
 山不從天上降集於地明矣夫穀之雨猶復雲布之
 亦從地起因與疾風俱飄參於天集於地人見其從
 天落也則謂之天雨穀建武三十一年中陳留雨穀
 穀下蔽地案視穀形若茨而黑有似於稗實也此或

時夷狄之地生出此穀夷狄不粒食此穀生於草野之中成熟垂委於地遭疾風暴起吹揚與之俱飛風衰穀集墜於中國中國見之謂之雨穀何以效之野火燔山澤山澤之中草木皆燒其葉為灰疾風暴起吹揚之參天而飛風衰葉下集於道路夫天雨穀者草木葉燒飛而集之類也而世以為雨穀作傳書者以變怪天主施氣地主產物有葉實可啄食者皆地所生非天所為也今穀非氣所生須土以成雖云怪變怪變固類生地之物更從天集生天之物可從地

出乎地之有萬物猶天之有列星也星不更生於地

穀何獨生於天乎漢王充論衡

漢宣帝時江淮饑饉人相食雨穀三秦魏地止穀二

十頃梁任昉述異記

機謹按太平廣記引述異記三秦作三日地下有

尋字十作千

吳桓王時金陵雨五穀於貧民家富者則不雨矣同上

伏虔古今注惠帝三年桂宮陽翟俱雨稻米唐段成式酉

陽雜俎

任昉述異記曰夏禹時天雨稻古詩云安得天雨稻

飼我天下民太平御覽

古今注曰宣帝元康四年南昌雨豆光武建武三年

春縑一匹易一斗夏野生旅豆民收取之明帝永平

十八年下邳雨大豆似槐實太平御覽

史記曰梁惠成王八年雨黍千齊太平御覽

京房曰雨五穀人相食太平御覽

又曰燕丹囚於秦天雨粟於燕後秦滅之太平御覽

後漢書曰光武未陳留雨粟形如稗實太平御覽

呂后三年秦中天雨粟出述異記太平廣記

漢武帝時廣陽縣雨麥太平廣記

涼州張駿字公彥九年天雨五穀於武威燉煌植之

悉生因名天麥宋劉敬叔異苑

至元丙申三月十八日永嘉天雨黑米粒小而多飯

可食陳本齊云泉州雨紅豆亦可為飯其色如丹砂前未

見也齊徐容云乙未歲江西歉甚時天亦雨米貧者得濟

富家所雨則雪也此又異甚胡存齊云○宋

自昔雨粟多主祥淮南子曰昔者倉頡作書而天雨

粟許慎解曰有書契則詐偽萌生生則去本趨末棄耕作之業而務錐刀之利天知其將餓故為雨粟果尔則天上惡音烏用奎壁主圖書乎走竊謂粟本天地精英所生靈秀與人一也故人必資粟昔越王問於范子曰寡人聞人失其魂魄死得其魂魄者生物皆有之將人也范子曰人有之萬物亦然天地之間人最為貴物之生穀為貴以生人與魂魄無異可得豫知也春秋運斗樞曰粟玉變而以陽化生為苗秀為禾三變而粢謂之粟四變入曰米出甲五變而烝

飯可食故曰五變乃成可食者稟受五行氣而成也夫一物而五行之氣萃之魂魄至與人無異不曰靈秀而何雒書說禾曰倉帝起天雨粟青雲扶日觀去声此則雨粟之為祥又信已漢武帝建元四年天雨粟六經復出至宣帝地節三年長安雨粟則色黑後竟寧元年南陽山都縣雨粟色亦青黑則又知色黑為非祥也而漢元氣實削于宣帝明詹景鳳詹氏小辨趙簡子問於翟封荼曰吾聞翟雨穀三日信乎曰信又聞雨血三日信乎曰信又聞馬生牛牛生馬信乎

曰信簡子曰大哉妖亦足以亡國矣對曰雨穀三日
 蚤風之所飄也雨血三日鷲鳥擊於上也馬生牛牛
 生馬雜牧也此非翟之妖也簡子曰然則翟之奚也
 對曰其國數散其君幼弱其諸卿貸其大夫比黨以
 求祿爵其百官肆斷而無告其政令不竟而數化其
 士巧貪而有怨此其妖也說苑○董斯
 張唐博物志
 天啓五年唐縣鎮雨豆形如響豆隋州志
 崇禎八年乙亥正月朔地震二月雨黑黍如蒺藜子
 二月流賊犯界
 ○懷寧府志

崇禎九年丙子冬十月雨穀緝外黃內雨多處焚
 殺俱慘○懷寧府志

機 謹按安慶府志文同

崇禎八年乙亥正月朔地震二月雨黑黍三月地又

震五月復雨黑黍望江縣志

夏太康十一年穀林雨粟色黑小如菜子食之不饑

曹州志

萬曆丁丑秋邑中偶雨色黑成塊如粟粒永豐縣志

嘉靖四十年春大霾雨雜實及菽皆陳朽者寧陵縣志

成化元年乙酉夏六月雨粟是月十七日也形如米

色黑而堅歲大饑順德縣志

崇禎十二年秋雨紅豆堅小輪菌仍有二瓣食作腥

氣六合縣志

元至正辛卯十月雨黍民取而食之載網目志

正德四年調露鄉天雨黑穀可啖高安縣志

嘉靖四十四年壬戌夏大旱五月五日雨麻子蕎麥

生苗秋亦實四十二年甲子井冰河南府志

正德二年濃州旱四年巴陵臨湘大旱十一年安鄉

大旱五年巴陵雨黍岳州府志

弘治三年春夏久雨小豆種之蔓生不實武昌府志

正德四年大旱興國雨黑穀大如棗核八月朔日食

既上同

天啓元年十月初五日蒲折雨黑子如黍如菽食之

味甘楚藩承運殿災上同

康熙年間青田雨粟其粒長大人取種之悉成實處州府志

有

康熙二十年春青田縣天雨莖或赤或黃如菜莖大

堅不可食種之不生自是連歲豐稔知為祥兆北同上

天啓十三年八月漳浦雨白豆于西宸嶺鷄犬食之

斃漳州府志

康熙六十年正月二月間臨海黃岩太平仙居雨豆穀

豆堅硬不可食穀粒大倍常穀○台州府志

萬曆乙未南海順德雨豆無皮而色黃廣東通志

康熙五年懷遠縣雨粟江南通志

康熙七年大和縣雨蕎麥同上

機謹按鳳陽府志文同

至正十一年冬十一月大雨震電雨黑黍如蘆稜八

通志

文統元年十一月餘于地震十年冬温霹大雨草木

花雨黑黍大如麥十一年餘于清湖水忽黃濁明年

大乱饒州府志

至正十年鄱陽冬温霹虛大雨草木葉雨黑黍十一

年餘于清湖水忽黃濁冬鄱陽雨攪子大如黍黑赤

色撫州府志

崇禎六年夏雨黑粟人種之生兩葉如劍狀○豐城縣志

崇禎十六年德興雨黑黍形如首蒿自秋及冬郡城

屋瓦無故發聲鐵毒縣捍忽躍出座外五月餘千車

山石崩壓壞民居九江道行署後石裂如刀劈數年

復合撫州府志

順治十年春大歉民食草木江夏雨蕎麥四月初三

日通城雨雹烈風拔木大冶虎至儒學武昌府志

洪武六年六月天雨米米如早白穀米身粗小長黑

色炊蒸為飯甚柔軟人爭掃拾有取至二三斗者南海縣志

正德六年夏雨黑黍如蘆稜種之葉如戈戟鉛山縣志

洪武二十二年七月荊州雨米約二石餘形如小麥

色淡黃饜為飯香甜湖廣總志

正德四十四年秋襄陽大風雨蕎麥黑豆雨城北數

里粒極小種之亦生不實同上

萬曆三十五年華容縣東數十里天雨豆人取種之

成槐秧石首亦間有之華容縣志

康熙二十一年二月山鄉雨豈狀如小白豆稍扁而

硬永嘉縣志

建武三十一年雨穀形如脾實陳留縣志

洪武六年夏六月廣州雨米東莞縣志

順治二年春西郊雨黑子如豆五月朔隕紅砂二麥

皆壞儀徵縣志

萬曆十六年春二月雨豆于府城北或黑或斑水之

則芽苗若荏菹火之則熟味若銀杏新建縣志

孝宗乾道四年戊子春舒州雨黑米堅如鐵安慶府志

崇禎七年甲戌正月地震屋宇頽動秋七月天裂映

地皆赤冬十月雨黑黍太湖民沈萬勳種之越歲成

亦未見其花桐城北峽關鬼崇大作來如風雨驟至

實然冬不枯

百為群數日乃止○安慶府志

三月丁丑朔招遠縣大社里黑風大起有大鳥自南

飛至其色蒼白展翅如席狀類鶴俄頃飛去遺下粟

黍稻麥黃黑豆蕎麥于張家屋上約數升許是歲大

稔登州府志

萬曆五年六月攸縣醴陵安化瀏陽雨黑黍拾得者

○長沙府志

康熙二十年正月天雨莖有紅黃二色黃大紅小鄰

邑亦有之是年大有秋壽寧縣志

至道二年四月福清縣解雨黃黑豆又長樂大平二
鄉雨黑豆皆堅實異常閩書

崇禎二年四月益陽天忽昏黑雷雨大作落黑穀其
如漆剖之中如草
子○長沙府志

崇禎五年秋地震冬十二月天雨穀黑色遍地可食
人多拾之至數斗者分宜縣志

崇禎元年八月安化雨黑豆如蚕在縣治內久之皆不見○長沙府志

雨異○史載雨粟博物志南陽小都雨穀如麥粟味
苦大者如米豆黃赤味如麥食之除心氣患此亡處

吹來者其載雨肉如肋或載雨血則似之而實非也

楮記室曰至治元年雨鐵則雷楔隕石之類耳天啟

癸亥智隨家君都門晝晦雨血以著衣而色諸也清

桐方氏物
理小識

雨水

水屬

雨水

雨水

漢書曰桓帝時京師雨冰其年皇后梁氏崩梁冀與妻自殺太平御覽

京房曰雨冰大疫桀末冰生于朝梁鯨王十二年

齊地雨冰廣者六尺漢桓時京師雨冰張駿二年二


月雨冰片如纒宋羅泌路史

崇禎四月二十一夜蒲折雨冰武昌府志

崇禎十一年三月雨黑冰秋蝗蔽天翳日五穀食尽


荻芦新鄉縣志

廣雅釋義卷九



一

雨火




廣雅釋義卷九

水屬

雨火

一



雨火

崇禎八年冬十一月望江武昌湖雨火着人衣俱燃

安慶府志


崇禎八年十一月朔日武昌江雨火着人衣俱燃數

十里外聞有硝磺氣望江縣志


國朝順治十年夏大風雷雨火詔蠲租有差火光如電着人

衣不焚是月霪雨決句陵地行舟海没禾稼許作梅疏奏得旨覆勘錫○新鄉縣志

博物類纂



雨塵土



博物類纂

水屬

雨塵土

雨塵土

尚書中侯曰夏桀無道山亡土崩殷紂時十日雨土於亳紂竟國滅

伏侯古今注曰漢武帝元朔四年雨土

又曰昭帝始元二年雨土晝昏

又曰元帝建昭四年雨土

梁書曰武帝大同元年雨土又雨黃塵如雪攬之盈掬時帝溺於佛法興造尤甚

後魏書曰世宗景明四年涼州雨土如霧時舅尚書

令高肇專政俄而被殺

隋書曰隋文帝開皇二年京師雨土四年關中飢
諸王各謀為逆時兩宮都邑後起仁壽宮丁匠死者

大半太平御覽

紂時墨子云雨土十日于毫又古今注元鳳三年伏
侯占元朔四年昭帝始元元年二年魏景明四年梁
大同元年周太象二年涼州隋開皇二年京師皆有
此變唐世尤甚其十二志見又乾符二年雨于宣武

宋羅泌路史

辛卯三月初六日甲辰黃霧四塞天雨塵土入人鼻
皆辛酸几案瓦壠間如篩灰相去丈餘不可相親日
輪如未磨鏡翳翳無光采凡兩日夜是夜二鼓望仙
橋東牛羊司前居民馮家失火其勢可畏几數路分
火沿燒至初七日勢益盛而塵霧愈甚昏翳慘淡雖
火光烟氣皆無所覩直至午刻方息南至太廟墻北
至太平坊南街東至新門西至舊秘書省前東南至
小壇門吳家府西南至宗正司吳山上嶽廟皮場星
宿閣伍相公廟東北至通和坊西北至田十三灣開

官門樓所燒踰萬家至今恰一甲子矣客云漢成帝建始元年後周宣帝陳後主禎明中皆有黃霧之變未及考也宋周密癸辛雜識續集○津逮秘書

內淫亂百姓勞苦則雨土君宏祿信襄厥妖雨州雨

五穀人相食京房易傳○董斯張唐博物志

熙寧八年五月雨黃土兼細毛元祐七年正月雨塵

土紹興十一年三月涇州雨黃沙宋史○明閔文震異物彙苑

萬曆十四年春二月黃風蔽天雨皆污人衣夏旱大

疫易州志

蘭谿黃盆畷天雨黃土大碗至地即碎金華府志

萬曆元年雨土行人衣帽沾黃同上

國朝順治戊戌六月雨黑沙遂安縣志

明崇禎癸未雨土霾行人著衣皆黃同上

康熙十七年十二月天霾雨土着地成錢內外重環

輪郭分明各大小不等睢寧縣志

康熙元年壬寅十一月雨土數日曹縣志


端拱三年正月汴京雨土開封郡志

嘉靖二十八年春雨雨土如霧注桃李花萼中皆焦落

滕縣志

梁大同元年天雨土二年天雨灰其色黃近黃祥也
京房易飛侯曰聞善不及茲謂不知厥異黃厥咎龍
厥災不嗣蔽賢絕道之咎也時武帝自以為聰明博
達惡人勝己篤信佛法捨身為奴絕道蔽賢之罰也

江寧縣志



Vertical text on the right edge of the right page, likely a page number or title, but it is too faint to read.

